

PERHIMPUNAN AGUNG MCA YANG KE 30
WISMA MCA, JALAN AMPANG, KUALA LUMPUR

3 OKTOBER 1982

Yang Mulia Pengerusi Majlis;
Yang Berhormat Datuk Lee San Choon, Presiden MCA;
Ahli-Ahli Jawatankuasa Pusat MCA;
Ketua-Ketua dan Wakil-Wakil Parti-Parti Komponen Barisan Nasional;
Dif-dif Kehormat;
Saudara-Saudari dari MCA;

Tuan-tuan dan puan-puan sekalian.

Terlebih dahulu saya Meminta maaf kerana tidak dapat hadir sendiri di pembukaan Mesyuarat Agung MCA yang ke 30 ini. Inilah saya meminta YAB Dato Musa, Timbalan Perdana Menteri untuk menyampaikan ucapan saya.

2. Pertama sekali saya ingin mengucapkan tahniah kepada MCA kerana kejayaan yang cemerlang yang dicapai oleh MCA dalam pilihanraya 1982. Kemenangan MCA di Ipoh, Kuala Lumpur dan Melaka membuktikan kebolehan MCA memikat hati pengundi dalam suasana di mana parti-parti lawan begitu mengguna sentimen kaum untuk membakar perasaan kaum Cina. Kemenangan dan proses berkempen juga membuktikan bagaimana orang MCA boleh bekerjasama dengan orang UMNO dengan rapatnya untuk menjayakan Barisan Nasional. Saya mengucapkan syabas kepada pemimpin-pemimpin MCA terutamanya dan ahli-ahli MCA amnya.

3. Teruskanlah usaha dan sikap ini. Saya yakin Malaysia akan kekal sebagai negara yang aman damai dan semua penduduk akan memperolehi kebahagiaan. siapa, termasuk pengkritik-pengkritik dalam dan luar Malaysia yang boleh berkata bahawa kita tidak mencapai kejayaan. Sebenarnya semua terpaksa mengaku bahawa kita telah mencapai kejayaan yang luar biasa. Dalam msna 25 tahun, pembangunan kita adalah empat kali lebih banyak daripada apa yang dicapai sepanjang Malaysia berada di bawah pemerintah asing. Sebenarnya perkembangan atau "growth" kita adalah lebih pesat dari negara-negara maju di Eropa atau Amerika pada waktu yang sama.

4. Tetapi yang terbaik sekali ialah keharmonian kaum yang terdapat di masa ini. Memang benar kita belum mencapai integrasi kaum sehingga ternyata perpaduan kaum wujud. Tetapi segala ramalan tentang pergaduhan kaum yang dibuat oleh "the prophets of doom" di waktu kita mencapai kemerdekaan dan di waktu peristiwa May 1969 tidak menjadi kenyataan. Ekonomi Malaysia telah tumbuh dengan lebih pesat sejak merdeka dan lebih lagi selepas 1969.

5. Oleh itu kita boleh mengucap tahniah kepada diri kita sendiri kerana kejayaan kita dalam menentukan perpecahan kaum tidak berlaku dan mengancam kemajuan Malaysia. Namun demikian kita tidak boleh bersenang-senang di atas kejayaan kita yang terhad ini. Kita perlu berusaha untuk meningkatkan lagi prestasi keharmonian antara kaum di negara yang kita kasihi ini.

6. Kita bercakap tentang kasih kepada negara kita Malaysia. Kita juga dakwa tentang taat setia kita kepada negara kita. Tetapi kasih dan taat setia kepada negara mempunyai tafsiran yang berbeza-beza. Ada yang berpendapat bahawa mengakui diri sendiri sebagai warganegara sudah cukup bagi membuktikan kasih dan taat setia. Dan ada yang berpendapat bahawa cuma jikalau sanggup mati berperang untuk negara baharulah kasih dan taat setia mempunyai makna. Di antara kedua-dua ekstrim ini terdapat banyak tafsiran lain.

7. Saya tidak berpendapat bahawa cuma orang yang sanggup mati untuk negara baharulah kasih dan taat setia. Tetapi saya tidak dapat menerima bahawa orang yang tinggal negara ini semata-mata kerana terdapat sedikit masalah adalah warganegara yang taat.

8. Sebagai warganegara kita mesti terima "the good with the bad" dalam negara kita. Tidak ada siapa dalam negara ini sama ada dia dari keturunan Cina, atau India, atau Melayu yang akan dapati bahawa semua yang terdapat dalam negara ini secukup dengan kehendaknya. Orang Melayu mempunyai banyak yang mereka tidak puas hati dalam negara memburukkan suasana perpaduan. Sudah tentu saudara-saudari sebagai orang keturunan Cina mempunyai banyak perkara yang saudara-saudari tidak puas hati. Begitu juga dengan orang keturunan India.

9. Tetapi jikalau kerana ada yang tidak secukup dengan kita maka kita pindah ke negeri lain dan dari sana kita kecam negara kita sendiri, ini bukanlah bukti yang kita cinta dan taat setia

kepada negara kita sendiri. Lebih-lebih lagi jika di negara yang kita pergi, kita tidak dapat apa yang kita kata tidak ada di negara kita. Ramai dari rakyat Malaysia dari keturunan Cina, yang pergi ke Australia dan Kanada kononnya kerana bahasa Cina tidak dilayan di Malaysia, tidak kecewa bila di sana tidak ada tempat sama sekali untuk pelajaran bahasa ibunda. Saya yakin dalam masa satu generasi semua orang yang tinggalkan Malaysia tidak akan dapat bercakap dalam bahasa nenek moyang mereka.

10. Selain dari itu diskriminasi yang lebih ketara diamalkan terhadap mereka yang menjadi imigran di sana. Peluang untuk mereka juga berkurangan, dan sudah tentu peluang untuk anak mereka adalah tipis. Tetapi mereka ini sanggup menerima tekanan-tekanan ini di negara di mana mereka menjadi imigran. Di Malaysia mereka tidak sanggup.

11. Memandang kepada peristiwa inilah maka timbul perasaan di kalangan lain-lain warganegara Malaysia bahawa kumpulan itu dan kumpulan ini tidak punyai kasih sayang dan taat setia kepada negara. Walau apapun alasan yang mereka beri, mereka tidak boleh lari dari tuduhan bahawa kewarganegaraan mereka terhad kepada yang sedap bagi mereka sahaja; yang tidak kena pada hati mereka, yang bercorak tanggungjawab kepada negara, mereka tidak sanggup memikul.

12. Mereka ini bukanlah warganegara tetapi adalah semata-mata "birds of the passage" yang cuma singgah di Malaysia. Dan kerana perbuatan mereka maka kaum mereka tercemar dan terdedah kepada tuduhan tidak taat setia dan tidak cintakan negara.

Tuan-tuan dan puan-puan.

13. Perpaduan masih belum tercapai dalam negara kita. Benar dalam bidang politik kerjasama yang erat dapat diadakan antara parti-parti yang mewakili kaum-kaum di Malaysia. Tetapi di luar dari politik, dalam bidang ekonomi dan sosial bukan sahaja tidak ada perpaduan tetapi perhubungan pun tidak wujud antara kaum.

14. Sebenarnya dalam bidang politiklah yang terdapat perbezaan yang jauh. Tetapi kerana kesedaran tentang bahaya permusuhan politik dalam negara yang mengamalkan demokrasi kita sanggup dan dapat membendung pendapat dan pendirian kita supaya dapat kita bekerjasama.

15. Malangnya dalam bidang sosial dan ekonomi kita tidak begitu takut dengan kesan perpisahan kaum yang jauh. Oleh itu tidak ada satu usaha yang bersungguh-sungguh untuk mendekatkan kaum dalam bidang ini. Walaupun Kerajaan sendiri mempunyai jabatan dan aktiviti untuk mengintegrasikan kaum, sokongan dan penglibatan kumpulan-kumpulan tidaklah dibuat dengan penuh dedikasi